

安民曰全民明乎建堡設防之爲民也夫民
吾民也盜未始非吾民也民而失身爲盜殲
之惟恐不亟誠使萑苻之子計無復逞革面
歸農其欲生而安且全之也又豈有異焉是
直指意也故因之公諱統德字靜生湖廣零
陵人起家庚辰進士濂傳前一日蒙恩召
對稱旨次日擢御史臺是年按部晉中尚嵐
知州夏揚名字實實山東昌邑縣人辛酉舉人

請證揭

張凝和

順天府通判

揭爲恭逢易名盛典敬述先臣節行以備採
訪彙題用彰孤臣隱德事原任太中大夫光
祿寺卿先祖泮以萬曆丙戌進士授知三原
縣事初蒞任值歲稔關人相食設法救荒煮
粥飼貧計兩年賑過饑民四十五萬三百六
十三名用過粟米一千七百六十五石九斗
設處過銀一千四百一兩餘當時上臺嘉之
有曰賑濟貧民而不搜括富室高出諸郡

上至其嘉惠學校繩抑豪強剔蠹節費原人
悅服至今頌說不衰辛卯入銓曹考功凡入
覲請外吏餽遺槩爲謝絕銓政大舉壬辰調
文選本年五月終養在籍六年餘忽奉欽依
調南京用乙巳起南京戶部再轉南銓稽勲
郎辛亥吏部疏奏特起尚寶司少卿其畧云
古者求忠臣于孝子之門謂其事親孝則忠
可移于君也郎中張泮原以循良之吏擢居
藻鏡之司清致澄澄履三銓才盈一載孝思
懇懇愛一日不易三公爰自壬辰逮于乙巳
計其終養奚啻十年昔苦無因之調今非破
格之陞等語奉旨報可先臣具疏乞休因規
切時政有曰揆席單匱沈鯉呂坤等人望攸
歸擯棄在野仁賢之空虛極矣章奏一切留
中議論紛囂不定廉耻喪寵賂鬪政事之頽
隳極矣考選久候不下諫垣六署多空持斧
一方者缺年餘而不補法紀之陵替極矣太
倉若洗財賦之詘乏極矣夷虜跳梁疆場之

蹂躪極矣邊餉遺欠大半三軍枵腹荷戈過
事之故壞極矣惟稅不罷十室九空闕闕之
窮困極矣物怪人妖初見于齊魯繼見于秦
晉豫楚之間天心之譴告極矣蝗蝗飛食于
東齊瘟疫流行于西土生靈之傷殘極矣草
寇竊發揭竿斬木之徒聞風而起民心之思
亂極矣一時利病指陳甚悉當事者屢起竟
不出丙辰陸通政司參議奉差冊封上饒順
昌兩藩至日冊封畢即以次日就道本藩以
儀幣餽于途三至三却一介不取戊午陞太
僕寺少卿督理西路馬政凡解馬到寺親為
驗視即令解戶自行丈量寺役不得需索一
時人心翕然稱便至舉薦守令有以謝儀至
者悉屏絕之曰吾舉賢為國豈樹私恩乎昔
叔向之不見祁奚古人解之諸公何以謝為
往至罔卿者即立躋開府先臣捐介自守不
與當路通一語是以三推開府皆以守正朱
之而先臣恬退自如也時公論嘖嘖遂轉光

祿寺卿值神宗顯皇帝孝端顯皇后光宗貞
皇帝升遐供億浩繁復遇哲皇帝冠婚大典
錢糧告匱應用不支先臣日夕拮据事事皆
親為稽核本寺厨役計三千餘人有月支米
一石者有月支米五斗者先臣悉裁其半以
佐國費計每月可得節省米九百餘石本寺
與尚膳監為表裏凡諸食費動稱內用冒破
不貲先臣一一清查屢疏奏核內監不得行
其奸顯皇帝顯皇后祖載孝靖皇太后啓攢
尚膳監票傳沿途站道並搬運黃器五萬件
計用麻繩二萬六百餘條該本寺給價銀七
百餘兩至日先臣蒙欽遣送葵朝夕哭臨畢
即親驗膳品細核其數因得絕行冒破之弊
具疏彈之上嘉其績禮成賜銀三十兩絲段
一表裡尤祿寺歲進白米五萬二千餘石收
激俱少卿寺丞王之糧解窩戶交通為姦上
白米以供內之用者皆與中白無異偶當
少卿寺丞缺先臣親出收之遂得挿和之弊

疏正其罪辛酉以遷葬給假疏三上得俞旨
家居十餘年一刺不入公門屬續時簡橐中
止有餘金十一兩殯葬不能具囑諸子曰文
臣三品者例有祭葬吾受國重恩未有寸功
爾曹不得陳請以重吾罪吾每讀今世墓誌
銘作者皆言過其實吾耻為之不願爾曹有
此舉也但題某官某人之墓足矣蓋棺十餘
年和等無力赴闕陳請是以祭葬贈廕之典
例所應有者竟不得邀榮于身後想台臺老
先生大人當亦聞而憐之也今恭逢易名盛
典公論俟諸當路非子孫所得陳祈然先臣
節行和等不敢飭亦不敢掩也謹具實狀次
以備採訪伏祈廣謀博詢昭例題請使後之
真者知祇名彌節之臣雖孫子凌夷亦獲表
見于當世不至終湮沒而不稱也其于維風
化俗未必無小補云謹揭

詩

中秋飲林太谷松雪樓

飄蕩金風夜漏長登樓舒嘯咏羲皇簾開

晚翠雲橫入松澆秋聲鳥亂飛曲徑尋芳隨皓月寒坪對奕引流觴時危難遂將軍隱勒

石終資

張泮忻州人光祿正卿

秋雲橫斗入浮槎樹面鳴鴉驚落霞流水逐紅飄墮葉曉霜留白綴殘花樓迴月影涼生

簾塞轉風煙淒動笳幽自林蟬寒競噪颼聲亂杆急陽斜

遇閏再飲松雪樓
松雪主人意氣寬重開花
逕對賓歡敲枰不問榮枯
事逸爵兼供水陸盤銀海兔昇千嶂曉碧空
鴈叫一天寒移燈捉筆聊書興此是登樓第

看二
前人

鴈字

年來年去度千岑歷盡天涯寄跡深一
畫剛繁居始數雙鈎帶撇散成林雖羣

專欲明孤節

落落後誰知表讓心為

問譜圖何處

是燕雲楚水好追尋

矯羽乘雲過

太虛千行倏散一天書名齊鮑

子題詩後形

在蒼皇造字初謁刺春深投九

塞廻文秋早式

三閣喜隨朝

前人

小至

暮景窮途寄此身眼看時事暗傷神可
憐日晷遵南至依舊星辰拱北辰脉脉

水泉將解凍

欣欣梅蕊欲迎春也

知天地無終

否料理誰能起古人

錢文蔚

陽曲人

夏旱

亢旱經時久何曾見麥花火雲常在眼
饑雀不離家正念閭閻苦何當賦役加

朱門誰氏子

五月已嘗瓜

前人

盆菊

虛閣延秋暉幽花羅滿百澹澹野鶴姿
亭亭高士格濟濟衆君子悠悠樂永夕

把酒問花神

何如在陶宅

前人

竹慙

昔有郭橐馱種樹得其理一植不復搖
物往安所止暢茂無冬春姓名載書史

錢生薄福子

紛謬多人鄙繫余連枝秀托根

亦靜只初移

為盎窄再移嫌偏倚三移欲就

中命脉懸十指

泣懇

前人

賤場師有死而已矣

前

除夕

少小讀遺經盈虛有至理日惟天地人
繫誰能外此今夕一年盡浮生何為爾

三男俱未成

四壁真如洗風燭不暫停

前人

擬古

司馬傳貨殖魯褒論錢神富貴雖可欲
利害實相因古風日寥絕末俗竟沉淪

趨利工墮斷嗜進營要津筭至勝牙僧乞來

驕婦人俱假伯夷貌已傳盜竒真歛怨築華

屋舍羞擁朱輪侈豪誇僕從攘刺無朋親寧

暇恆人怒兼不畏鬼真試看孫叔敖何如石

季倫貪人還自 李成名 太原衛人 兵部侍郎

田家 辛苦是田家今年恨轉奢天高從望雨

追呼如火急 猶令赴官衙 前人

題晉祠 太白風流吟碧玉獨憐潭水翠娥清

山鳥解詩頻向語波光愛客故相迎

凌朝歸去楊花戀片片真隨馬足輕

文翔鳳 三水人 督學使

續經閣閱卷 河汾自表素王樓莽有行雲過

則收每挾元經臨曉日或浴中

說慶新秋興酣歷品三千卷情至齊懸十

二鈞青眼太空聊放曠人豪誰與步風流

前人

因剿寇駐節岢嵐 春望愁無盡躊躇轉夕暉

解內量砂久樽前借箸稀 日靖澤鴈幾時歸

憑誰傳賦草莫待羽書飛 丁啓庸 商丘人 雁平道

輓都督丘陞 沙塲馬革有光輝江表功成百

寄藻

將軍死綏氣橫秋霹靂 弦賊尚愁月落隸

門寒露滴斷腸聲裡聽梁州

清秋組練照江明萬龜龜 肅舊營看取平

淮功業就路人指點說西平

功成百戰有天知自是將軍值數奇莫道貂

劉景韶 海防道

過鴈門關 四海於今正一家 生民何處不桑
出花雲暗白楊連馬邑天低青塚渺龍
沙憑高吊古情無盡空對西風數去鴉

前人

登石梯門樓 瀟瀟朔氣滿邊陲 一線黃流擁
戍樓莫訝重關嚴鎖鑰關河東

北是神州 苗朝陽 河曲人進士

雨中聞雁 濛濛春日雨一雁自隨陽 雲外聲
羽憶瀟湘冥舉宜 王元雅 陽曲人

煙水生涯豈稻梁 孟冬 籬花澹蚤霜 人情方險薄 世事任雌黃

莫下憂時淚 長歌學楚狂 前人

偶成二絕 楊柳風吹日已斜 樓神枕上香無
家恍然有箇瑤京路 投至瑤京不

見花 鐘定夜深人獨坐 雲開天近月初昇
真機動盪非由我 欲念消塵卻勝僧

尚時彥 陽曲人 舉人

集崔仲升句 生將歌嘯寄泉林 日影花香靜
不禁百歲功名惟聽命 一毫榮

辱不關心鍾王有筆供神賞 陶杜無詩倩
口吟轉首古今誰是我 此番科試不須尋

前人

前人

災異

陽曲縣 萬曆甲寅九月十三日夜地大震數刻
方上○戊午冬白氣經天彗見○巳

未二月風土晝晦○崇禎戊寅大
錢辛巳又大饑壬午春夏斗米七
甲申

元旦風霾蔽日二月初六日闖圍
風大作至八日城遂陷
日盲

太谷縣 崇禎十七年闖寇自京敗回屠
城殺死百姓二萬七千有餘

文水縣 萬曆四十四年丙辰蝗虫遍野傷禾○
四十五年丁巳正月初一日縣東三曹

崇禎十四年天
崇禎十四年天
崇禎十四年天

六月不
雨歲饑

壽陽縣 萬曆四十六年四月二十六日乙卯卯
時地震從西來東南去有聲隨動隨止

本年九月三十日巳時地震東南來西北去有聲若雷房屋掀動隨動即止。天啓六年六月初五日丙子丑時地震自西北來東南去聲若大風房屋掀動一連三次方止。閏六月初四日甲辰未時地震九月二十日巳丑子時地復震十一月初三日縣東張淨鎮新設募兵王大用等擒獲交城拒捕殺傷官兵賊首張明山宋登興張明虎滑喜哥子申解梟示本月初四日縣西林家坡有雄虎一隻咬傷鄉民戴約張希信被衆趕入水洞火薰死申解撫院

河曲縣 崇禎三年大旱民饑死亡殆盡。五年大饑人相食時斗米五錢軍民爭食死人有李崢殺人而食事發立斃杖下。十四年大饑斗米八錢。十五年有秋。

平定州 萬曆三十七年大祲餓死者遍野民父子離散戶口死絕者八千有奇。猗氏

侍御取道於此解裝救濟存活多人。今生祠猶在焉。四十六年金星晝見。天啓七年夏地震或一日兩次或三五日一次響如風雷壞民屋甚多。經兩三月方止。崇禎六年流寇亂村落燒毀百姓逃亡八千餘戶。十六年二月初五日無雨無雲雷鳴數刻。

樂平縣 崇禎六年流寇攻陷城殺傷人民三十餘名。口後瘟疫傷亡大半。

忻州 天啓四年春地震異常民間房屋多被震毀。

定襄縣 崇禎十七年逆闖破城殺人一千五百有餘。

興縣 崇禎七八兩年盜賊歲饑日甚一日斗米價至五錢布疋價至一兩七錢天行瘟疫朝發夕死至一夜之內一家五六口盡死無子遺百姓驚逃城為之空。崇禎十四年北鄉民高一奎牛生麒麟。明年復生一麟里人觀者如市。

太原失守

崇禎癸未冬十月闖寇據秦晉戒嚴朝廷命
太學士李建泰督師剿禦甲申正月賊渡河
郡邑望風降建泰聞之逗留不前二月六日
賊抵太原時城中兵止撫標十小將三千人
及宣鎮援兵千餘而已先是賊至大佛寺中
丞蔡公遣小將柳同春率所部兵偵候同春
未見賊與其兵潰散至是宣鎮兵守南關復
開門降蔡公心知兵將不奉命遂不敢遣一

卒以一矢加遺次日賊掠難民攻城陴夫望
賊散亂無紀律奮欲殺賊白諸有司縋城下
生擒賊二人磔之城頭居民善鳥鎗者私聯
數十人請於蔡公公令擊中一賊者賞銀二
兩人爭擊之已而擊賊者衆有司吝不予賞
民心遂懈賊攻東南角兵士從樓中用火礮
擊之藝其藥線未及擲而火礮四裂延燒角
樓樓中死者數十人烈燄中人見隱隱有神
物馮虛而立城內哭聲震天盡無人色至夜

盲風大作勢若轟雷巨濤震撼山岳士民肌
粟股栗堅守無懈志越明日小將張急鬼奪
南門出降蔡公方傍徨中軍應時盛擁公至
三立書院白公曰城旣破老爺當死中軍亦
不敢負老爺獨生公領之應卽結繩樑間事
公引頸入縲亦引頸而錘之同時死賊已入
南城北城守禦者猶投奔擊石有賊至而竟
死梁下者民間男婦有舉室投井舉室懸樑
舉室自焚死無噍類者賊令曳屍城外隍深

三丈許積屍與之平嗚呼晉民之未負朝廷也

有司靖節

賊既破太原獲布政趙公建極公不跪賊搜公私室得小樂器一張賊問公爾爲清官如何藏此樂器公曰我老而無子服官勞無以自遣一姬能鼓此政暇令一鼓之解愁鬱何碍我清何不可者賊要公受僞官公死拒之遂見殺方賊曳公出厲聲呼萬歲再曰臣力

竭矣巡寧道畢公名拱辰賊脅公晉府前賊適得新刀數口殺人公睨視賊問公爾看何爲公曰看那刀好殺我賊卽以其刀殺公守寧道毛公文炳督糧道藺公剛中皆以科臣出毛守北城賊登毛易衣雜入王中書宅三日夜袖一貂套爲賊覺拉殺之於晉府前藺守東城賊入城徧索諸官司獨不得按察司督糧道提學道且置之一賊擄得一箱籠方掠人昇得布政司吏宋某者令昇宋辭一人

難獨舉賊曰已有人在酒肆中曳宋至見一人敝衣爲傭狀宋諦視別藺糧道也藺目宋使無言宋默然卽與昇箱隨賊行數步宋小語曰老爺換肩賊覺因得糧道殺之有諸生某爲賊掠入後營見提學黎公志陸戴羊皮笠衣青布大袂跪白賊將曰本道蒞任三月尙未入考棚旁立韓孝廉霖代爲解曰此天下文章士也賊將命之起爲易衣冠黎色喜不禁旣而僞錄爲考文官隨大同去廉使楊

公本鍼守南城越城出弄西山懸壺寺後脫身歸知府孫公康周見殺同知李公一清已陞任蔡公留守城亦見殺署陽曲縣事長史范志泰初被執賊桁夾之勒出貲與之復夾泰哀告曰放某某尙能效一臂用賊不聽益以桁夾其頭泰痛極知不能生恚憤曰眞賊眞賊那有如此刑法睛出腦裂死

鄉紳被拷

初闖陷秦人有傳秦中士夫被賊嚴法勒貲

助餉者晉人未甚信也至是闖到遍令賊將
 搜捕鄉紳旁及富生宗室富民建鄉紳之族
 屬妻婢析夾輸助郡邑則委之偽守令賊將
 慘刻倍甚太原首當虐燄故一時士夫死亡
 無幾存者

潘雲翼

癸丑進士太僕寺少卿守城事宜
 俱公經畫著乘城信地錄被夾死

中

郭人吉

太原縣人萬曆壬子舉人刑部主
 事守西城被夾死

于可久

陽曲人萬曆己酉舉人廣西桂林
 府同知被夾死

崔嗣遠

陽曲人萬曆丙午舉人北直靜海
 知縣被夾死

萬砥

太原前衛人萬曆丙午舉人四川
 漢州知州被夾死

朱敏澹

宗貢河南睢州知州被夾死

朱新埒

宗貢張秋通判被夾死

鄭材

陽曲人天啓恩貢山海關通判被
 夾死

張先猷

景維子崇禎壬午舉人賊以父居
 宦析夾死

縲繫長安

五月闖東敗歸時鄉紳夾而未死者並子弟
 婦女猶幽禁迨比闖至始釋之既乃令闔郡

鄉宦及妻孥盡起送西安遂有死於彼土知
省王公嘉言忻曹公亭太原輩公皇至王公
則骸骨暴棄秦中未得歸葬更有徐溝張公
某夫妻同縊於秦寺定襄喬公某夫妻縊死
狼孟明年

清師下西安各宦並家屬放還

宗侯就義

八月陳永福以偽文水伯鎮晉時宗支實繁
有徒永福甚憂之陰令四城偽將分信捕緝

於初八日城門晝扃大索一日得千餘人殺
於海子堰閑宅後妻產益沒於賊明日大赦
時諸王子弟邨居者俱獲免嗣後圖及衙役
青衿弗果

寧武大戰

二月十五日闖發太原數日抵寧武總兵周
公遇吉設伏邀擊闖大怒督賊益進周公不
能拒與寧道王公胤懋嬰城自守賊攻之急
將陷周公免胄大呼自墜城下曰周總兵在

太原府志 卷之二
此賊縛公至演武堂柱磔殺之城既陷王公
死周公妻劉氏率男女僕從持弓矢列陣廳
事前積薪屋後爇火待之賊入應弦斃倒矢
盡闔門投烈燄中死遂屠其城賊謂自起兵
來未有敢抗殺如此鎮者

屬邑屠戮

當闖敗歸時榆次士民拒賊不納偽尹不能
為政闖怒促使攻之城破縱兵橫殺無力乃
取草刀切手腕及剝鼻則耳閣城死者過半

存者無完人移駐省旬日復西過太谷噓谷
邑拒守屠戮二萬七千人六月定襄民殺偽
尉奪解餉偽磁侯劉方亮遣賊將攻屠復如
兩城間賊以土暴為名掠殺鄉鎮財物婦女
俱盡虜壯丁為俘陳永福盡殺於南關屬邑
無不罹禍忻州祁縣尤慘

羣盜受死

九月

清兵圍太原永福率賊將拒守十月城破賊奔

逃城外伏兵四起殺賊屍橫野畧如二月城
破時聞有逸者四鄉居民擒斬之城中共屋
搜捕無遺育永福從東門南逃不知所歸



臺灣國家圖書館, NATIONAL CENTRAL LIBRARY, TAIWAN, R.O.C.

家正統於順治甲申歷十二年矣興圖星野雖無容
贅然盛衰代謝風俗異宜兵燹頻仍戶口異
數耕作不常田賦異等此孰非所當繼前志
而紀之者至於時有修創則建置宜紀試有
科額則選舉宜紀地有賢才則人物宜紀職
有循良則名宦宜紀他如忠臣節婦孝子順
孫所以爭日月之光發

興朝之色者詩歌詞賦災異禱祥所以著文藻
觀民風備修省察政教者又安可令其散失



無傳湮沒不彰也乎故博採而錄之昭
開國之盛若夫繼此而續成焉則以俟夫來者

太原府志目錄

自順治元年甲申起至十年甲午止

城池 衙署

學校 風俗

戶口 田賦

祀典 職官

名宦 選舉


武備 人物

藝文 災祥

臺灣國家圖書館 NATIONAL CENTRAL LIBRARY, TAIWAN, R.O.C.

城池

易曰王公設險以守其國又曰君子思患而豫防之是知城池之濬築所以容民畜衆爲未雨綢繆之謀何可已也太原府屬諸城自兵興以來各以修築爲務卑者崇之淺者深之頽壞者完復之星羅綦列足以稱金湯資保障矣抑語不云乎在德不在險則夫以仁義爲干城道德爲樓櫓成衆志之城樹不拔之基者是又良有司之所當急講也



太原府城

太原八門四隅建大樓十有二周垣小樓九十有三敵臺邏室稱之崇墉雉堞壯麗甲天下往歲兩臺蒞任必登陴巡視以樓櫓之修廢爲所司殿最故歷歲增飾無大傾圮崇禎末臺使不登閱衛所不葺繕日以陵夷小樓頽壞者十二三間有留者椽簷半折瓦屋飄零亦曰僅存而已洎甲申闖逆犯太原城內兵不謹東南角樓遂付祖龍議者謂異屬文

臺灣國家圖書館 NATIONAL CENTRAL LIBRARY, TAIWAN, R.O.C.

明之地恐晉士之不振也 督撫劉公捐貲
倡屬建磚樓以補之學使張公四教勒有碑記
捐過銀數開後

督撫劉

捐銀三百兩

左布政孫茂蘭捐銀三百兩

守寧道田起龍捐銀一百兩

驛傳道祝思信捐銀一百兩

提學道張四教捐銀四十兩

太原府知府曹時舉捐銀五十兩

陽曲縣知縣劉光漢捐銀五十兩

北關舊有小土城城西復連一土城爲新堡
以居營士後營士散處城內郭外居民間雜
處焉甲申闖據太原隳其垣墉盡毀民居而
平之今稍修集

南關舊爲磚城與大城聯闖據太原隳城墉
毀民居與北關等今亦稍稍修集

迎澤門

宜春門

拱極門舊俱有木橋以通輪蹄歲久圯毀順

治九年中丞劉公捐資率屬葺治

捐過銀數開後

督撫劉

捐銀一百兩

布政孫茂蘭捐銀二十九兩五錢零

布政馬光先捐銀二十兩

糧道徐永禎捐銀二十兩

守道田起龍捐銀一十五兩

按察司蕭時彥捐銀二十五兩

巡道盛復選捐銀二十兩

大原府邊大綬捐銀二十兩

清軍廳任有剛捐銀五兩

管糧廳范一鵬捐銀五兩

陽曲縣劉光漢捐銀十兩

都司李攀惠捐銀五兩

僉書都司楊應麟捐銀五兩

撫標大廳王灝捐銀二兩

左營遊擊苗成龍捐銀四兩

撫標旗鼓范明威捐銀十兩

汾河性善徙歷爲郡城害萬曆間中丞李公治之自把兒溝起抵教場南沿流作石壩七土壩九採椽二千有奇長約丈餘入地率半之中雜薪藁赤埴和以石塊每石壩率十累累皆從衡間作縫合錠形灰液而木紐之又自沙河南作新渠直道之西壩成建婁金神廟於堤上列鐵犬五作厭河狀京兆萬公有記畧見舊志天啓丙寅中丞耿公作舟十餘

隻貫以鐵索爲浮橋用渡往來秋水泛濫不踰年壞順治九年直逼西城底中丞劉公率屬員捐貲築壩濬引南流費若干縉開於左以爲繼起者師

捐過銀數開後

督撫劉 捐銀五百兩

左布政孫茂蘭捐銀四百兩

右布政馬光先捐銀二百兩

守寧道田起龍捐銀三百兩

臺灣國家圖書館 NATIONAL CENTRAL LIBRARY TAIWAN, ROC

督糧道徐永禎捐銀一百兩

按察司蕭時彥捐銀三百兩

巡寧道盛復選捐銀一百兩

驛傳道祝思信捐銀三百兩

提學道張四教捐銀三百兩

太原府知府邊大綬捐銀二百兩

清軍同知任有剛捐銀六十兩

管糧通判范一鵬捐銀三十兩

理刑推官王胤祚捐銀六十兩

陽曲縣知縣劉光漢捐銀一百兩

都司李攀惠捐銀一百兩

僉書都司楊應麟捐銀二十兩

太原營叅將李好賢捐銀一百兩

撫標大廳王灝捐銀二十兩

左營遊擊苗成龍捐銀二十兩

右營遊擊彭有炤捐銀二十兩

左衛掌印高世勳捐銀五兩

右衛掌印崔連碧捐銀三兩

撫標旗鼓范明威捐銀十兩

守道中軍王民豫捐銀五兩

巡道中軍張卿捐銀五兩

養濟院

在府治東南順治九年中丞劉公

捐貲倡屬刱建舊在南廓外者今廢

捐過銀數開後

督撫劉

捐銀

百二十兩

左布政孫茂蘭捐銀二十兩

右布政馬光先捐銀十兩

守寧道由起龍捐銀十五兩

督糧道徐永禎捐銀十兩

按察司蕭時彥捐銀十五兩

巡寧道盛復選捐銀十兩

太原府知府邊大綬捐銀二十兩

清軍同知任有剛捐銀五兩

陽曲縣知縣劉光漢捐銀二十八兩七錢七分

論曰府城爲山右都會明宗支繁衍科甲

聯鑣宗紳士庶聚廬而處誠有氣雲汗雨

之盛洎罹闖禍大姓榜掠幽囚死過半矣
間有存者資生無策則謀棄所居千金之
產十數緩而毀之不數年而週城四隅強
半丘墟惟中央市會之區牙儉棟椳差不
落莫誠欲興復舊觀非長民君子百年生
聚未易得也

太原縣城仍舊榆次縣城順治六年火焚東城樓知縣楊三知補建

太谷縣城順治六年姜逆叛賊黨據城王師攻剿炮擊毀東城半面知縣戴

可進重修祁縣城仍舊徐溝縣城舊甕城南門東向順治二年知縣王

允淑改清源縣城仍舊交城縣城仍舊文水縣城仍舊

舊壽陽縣城仍舊孟縣城仍舊靜樂縣城仍舊河曲仍舊

縣城仍舊平定州城仍舊樂平縣城順治二年東城塌毀知縣

霍際昌重修四年仍舊忻州城仍舊定襄縣城仍舊

代州城仍舊五臺縣城仍舊繁峙縣城順治六年叛逆劉遷

據城焚城樓毀睥睨仍舊崞縣城順治六年雨塌

知縣張志高重修仍舊崞縣城順治六年雨塌

餘丈知縣范印心重修九年仍舊崞州城仍舊

知縣楊澤重修南城樓一座仍舊崞州城仍舊

年王師攻取炮擊毀西南二仍舊鴈門守禦所

太原府志 卷之三
城仍舊寧化守禦所城
城仍舊寧武所城
城仍舊偏頭所
城仍舊老營堡所城
八角所城仍舊

衙署

王者設官建署所以出政臨民非規制莊嚴
不足以肅觀瞻重體統

國家百爾有位一祖舊制故自分司行臺以迨
郡邑公署其建置之由前志詳矣惟是有毀
於改玉之前及新於

鼎興之後者不容銷沉爰著之以俟後之修復

云爾

太原府署 順治七年知府曹時舉修二堂東西書房六間九年知府邊大綬建內書房三間十年署內築自公廡一座

太原府志
卷之三
十三
叅將公署

順治九年叅將李好賢重修

太原左右前三衛

舊在叅府東今廢

陽曲縣署

仍舊

太原縣署

仍舊

榆次縣署

順治二年知縣耿宗舜新建分司後院正廳五間東西廳各三間

太谷縣署

仍舊

祁縣署

仍舊

徐溝縣署

仍舊

清源縣署

仍舊

交城縣署

仍舊

文水縣署

仍舊

壽陽縣署

仍舊

孟縣署

本縣主簿奉文裁去順治二年知縣潘朝選將主簿宅改修為典史宅廿二
典史宅改為
喂馬草場

靜樂縣署

仍舊

河曲縣署

順治八年知縣楊廷標改建內室正樓五間

平定州署

順治二年知州張儒秀重修大門三年魏一鰲重修儀門

樂平縣署

順治八年知縣閻鶴昇重修書房七間

忻州署 仍舊

崞縣公署 仍舊

崞嵐州署 順治六年姜逆據城衙署被毀過半

嵐縣署 仍舊

興縣署 順治四年知縣李昌汴重修六房寅賓館七年知縣李華春重修大堂

保德州署 順治六年察院倉廩六房內宅俱被牛寇焚燬

論曰昔召伯聽政於棠之下南國思之不

加剪伐矧端拱堂皇敷惠垂仁有不歌來慕

頌去思者乎但懼體分懸隔咫尺八萬里轉壑

之形寧卽備見向隅之聲寧卽盡聞履斯位

者上凜朝廷署職之意下體兆民翼戴之情

秩無崇卑隨分自盡則潭潭公府居之斯無

愧也詩云赫赫師尹民具爾瞻長民君子尚

其念之

學校

學校之設所以興賢育才儲國用耳往昔風習醇靜行藝兼修恂恂端雅見者起敬乃自崇禎晚年來其門戶絃誦自愛身名者固不乏人而夷詬亡節者亦逞逞有之士風士氣不無江河之感矣夫處無姘節而期異日之偉樹願可得與所望貞教者養其廉耻矜其節行抑奔競崇恬靜游泳陶淑務復唐風之舊斯無負

國家崇儒重道之意與

太原府儒學

順治十一年督撫劉公重建碑文詳記之

祭器

舊百十件兵火後失十之二三

其事鑄如數于樂器樂舞生舊多牙伶牧監

之敝壞者盡議治之樂舞生舊多牙伶牧監

不盈數中丞劉公行知府邊公大綬懸示

者免府縣類武竟武督復其身或有志進取

陽曲縣儒學

順治十一年督撫劉公重建碑文詳記之

太原縣儒學

仍舊

榆次縣儒學

仍舊

谷縣儒學

仍舊

祁縣儒學

仍舊

徐溝縣儒學

順治五年知縣成觀光重修

清源縣儒學

仍舊

交城縣儒學

仍舊

文水縣儒學

仍舊

壽陽縣儒學

仍舊

孟縣儒學

臺灣國家圖書館, NATIONAL CENTRAL LIBRARY, TAIWAN

靜樂縣儒學

河曲縣儒學

遭寇變焚毀幾盡止存正殿知縣錢永守教諭王啓謨補修啓聖祠

兩廡名宦鄉賢祠明倫堂兩齋櫺星門復舊

平定州儒學

順治八年知州陳起潛重修

樂平縣儒學

仍舊

忻州儒學

仍舊

定襄縣儒學

仍舊

代州儒學

順治九年鴈平道余應魁重修

五臺縣儒學

繁峙縣儒學

順治六年逆姜亂焚燬未修

崞縣儒學

順治四年教諭趙汝斌建雲路并魁星閣五年知縣范印心建文萃三

崞嵐州儒學

仍舊

嵐縣儒學

仍舊

興縣儒學

順治二年舉人尹衡重修

保德州儒學

順治六年牛賊拆毀未修

偏頭關儒學

仍舊

寧武關儒學

仍舊

老營堡儒學

仍舊

風俗

晉中土瘠民貧儉質之風尚矣近則頗習侈靡省會男子不務蓄積數金之家盡炫耀於服飾婦人不蠶不織習於些窳省以南昔尚耕織卽縉紳之家機杼聲不輟今其風猶未敦省以北昔尚耕讀有白首窮經不得一入黌宮而志不懈者今則每見以他途出矣至於珥筆構訟請謁繁興甚而蕩產亡身不顧則南北郡邑在在有之而文谷孟祁爲尤甚

美儉